



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XI. Gregorii Papae I. Ad Clementinam Patriciam. Eam de morte
Eutherii episcopi consolatur.

urn:nbn:de:hbz:466:1-15221

Mense Nouembri, indictione nona.

EPISTOLA X.

GREGORII PAPÆ I.

AD HONORATVM ARCHIDIACONVM SALONITANVM.

De contentione ipsius contra episcopum suum,
& de custodia rerum ecclesiæ.

Gregorius Honorato diacono Salonitano.

EA quæ contra vos tu & episcopus tuus contraria di- Grat. dist. 74. c. 8.
rexistis scripta agnoscentes, dolumus, eo quod inter
vos nihil caritas recognoscit. Verumtamen te in officio
ordinis tui administrare præcipimus: & si illic potest su-
perante gratia causa vestri scandali definiri, multum cre-
dimus vestræ animæ acquisiuisse. Sin vero ita discordia in-
ter vos partes suas armauit, vt in timore scandali voluntas
vestra debeat remanere, tu ad nostram audientiam inde-
finenter occurre, & episcopus tuus pro se dirigat quam
elegerit personam instructam, vt omnibus subtili ratio-
ne perpenſis, constituere quæ visa fuerint partibus, de-
beamus. Scire vero te volumus, quod a te omnia distri- Extra de officio arch. cap. 3.
cte quæsituri sumus, si non ea quæ vel propriæ ecclesiæ,
vel quæ de diuersis ecclesiis cimelia sunt collecta sub om-
ni nunc sollicitudine & fide seruentur. Quod si quid ex
eis vel negligentia, vel cuiusquam fraude deperierit, tu
in hoc reatu constringeris, qui per archidiaconatus or-
dinem custodiæ eiusdem ecclesiæ arctius implicaris.

Mense Decembri, indictione nona.

EPISTOLA XI.

GREGORII PAPÆ I.

AD CLEMENTINAM PATRICIAM.

Eam de morte Eutherii episcopi consolatur.

Gregorius Clementinæ patriciæ.

EPISTOLAM gloriæ vestræ suscipiens, quæ de transitu
Eutherii quondā magnificæ memoriæ loquebatur, in-
dicamus non minus animos nostros quam vestros esse tali
Concil. Tom. 13.

Y ij

mœrore confusos, eo quod opinionis probatæ viros hinc paulatim subtrahi mundo conspicimus, quorum ruina in ipsis iam causarum effectibus comprobatur. Sed hinc nos solerti decet conuersionis cautela subducere, ne sua nos secum pariter ruina circumplicet. Et quidem amicorum nos amissio tanto debet tolerabilius contristare, quanto amissuros nos illos conditio mortalitatis exposcit. Sed tamen amissum carnalis vitæ subsidium potens est ille consolari, qui ut adimeretur permittendo concessit, & ipse ad locum, qui destitutus erat, consolator accedere. Diaconum vero Anatolium, quem ad vos dirigi poposcistis, hoc nos facere non posse, causæ magis modus quam rigoris austeritas facit. Vicedominum enim eum constituimus, cuius arbitrio episcopium commisimus disponendum.

Grat. dist.
89. cap. 3.
Ans. lib. 7.
cap. 77.

EPISTOLA XII.

GREGORII PAPÆ I.

AD IOANNEM EPISCOPVM DE VRBE VETERI.

Ut iniusta vexatio monasterii tollatur.

Gregorius Ioanni episcopo de Vrbe veteri.

Grat. 16. q.
1. cap. 12.
Ans. lib. 5.
cap. 66.
Polyc. lib. 1.
tom. 1. Inf.
epist. 34.
lib. eodem.

AGAPITVS, abbas monasterii sancti Georgii, insinuat nobis plurima se a vestra sanctitate grauamina sustinere, & non solum in his, quæ necessitatis tempore aliquod monasterio possint inferre subsidium, verum etiam quod in eodem monasterio Missas prohibeatis celebrari: sepeliri etiam ibidem mortuos interdicatis. Quod si ita est, a tali vos hortamur inhumanitate suspendi: & sepeliri ibidem mortuos, vel celebrari Missas, nulla vltius habita contradictione permittatis, ne denuo querelam de iis quæ dicta sunt prædictus vir venerabilis Agapitus deponere compellatur.

EPISTOLA XIII.

GREGORII PAPÆ I.

AD DOMINICVM EPISCOPVM CENTVMCELLENSEM.

Commendat Luminosam viduam Zemarchi.

Gregorius Dominico episcopo Centumcellensi.

OFFICIUM quidem sacerdotalis est, ut viduis ac maritali regimine desolatis, impertiri solatia debeat: ut